

發願

- 一願大道流行溥天懷德
- 二願一切有生咸皆悟道
- 三願九夜慈亮一時解脫
- 四願孤露无依咸得受生
- 五願天下太平五穀豐熟
- 六願臣忠子孝君仁父慈
- 七願四海會同究親和釋
- 八願潛胞處卯咸得生成
- 九願積疾新痼旋即痊愈
- 十願孤露衆生豐衣足食

存神燒香

香官使者左右龍虎君侍香諸靈官當令
 晚朝建齋之所自然生金液丹碧芝英百靈
 霄君交會在此香火爐前令臣學道得道求
 仙得仙齋主受福幽顯霑恩十方仙童玉女
 接待蘭煙向來所啓速達徑御
 太上無極大道至真三寶上帝
 九宸帝君御前

出堂頌 引至幕

謝師

靈寶領教濟度金書卷之二百三十二



靈寶領教濟度金書卷之二百三十三 爰七

洞微高士開先救苦真人壽金真授
靈寶通玄弘教水南先生林靈真編

科儀立成品 雷霆齊合用

謝恩醮儀

燒香頌

各禮師存念如法

宣衛靈呪

五星列照煥明五方 水星却災 木德致昌
 熒滅消禍 太白辟兵 鎮星四掩 家園利亨
 名刊玉簡 字錄帝房 乘應散景 飛騰太空
 出入冥無 遊宴十方 五雲浮蓋 招神攝風
 役使萬靈 上衛仙翁 和與道合具

鳴法鼓二十四通

無上三天玄元始三炁太上老君召出自身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝關啓玄壇天帝神君當召此間土地里
 域真官正神念上闕啓臣今奉為入書以今
 設醮建齋行道願得

玉清道炁靈寶妙光下降流入臣等身中即
使玄壇清淨內外成真天無氛穢地絕妖塵
琳琅振響十方肅清萬魔不干其誠上徹令
臣所格速達俚御
太上無極大道至真三寶上帝

九宸帝君御前

請稱法位

具位臣某謹同誠上啓

太上無極大道虛無自然元始天尊太上大
道君太上老君昊天玉皇上帝高上神霄玉
清真王長生大帝高上神霄東極青華大帝
九天應元雷聲普化天尊九天雷祖上帝上
清紫微碧玉宮太一天帝六天洞淵大帝
六波天上帝君可韓司丈人天尊九天誅訪
使天尊雷霆九司諸天省府東華西靈執職
真衆洞天福地四海四瀆溪澗潭洞主宰龍
神社稷山川城隍里域三界官屬一切真靈
臣聞圓蓋輕浮運陽清而制地方輿重晏凝
陰濁以承天函三尊萬物之靈得一稟五行
之秀百昌雲委曹由元始之慈風庶物露生

執匪虛皇之化雨今齋主扣頭切切拊已惶
惶覬爾為霖當留心於旱虐沛然下雨荷垂
念於農功輒修報謝之私肅致殷勤之敬伏
願瓊輪羽蓋前驅之朱鳳翼轅綠輦丹輿後
從之玄龍駉乘會八紘之主執統四海之真
靈環拱虛元會同妙有臣不勝瞻天望聖激
切屏營之至謹稽首再拜奏請

請聖 初獻

具位臣某等重誠上啓

三清上聖九宸高真圓穹之主宰真靈方域
之神仙攝屬離筵內外一切威靈臣聞潛地
潛天上聖愛同於一視曰暘曰雨下愚樂際
於三登自聚靈托處之無憂皆飽食煖衣之
有望終歲勤動觀仰事俯育之歡彌月元炎
副東作西成之樂故民生之或匱實帝鑒之
遙矜觀蜡類首祀於殺神而龍見先陳於零
祭禮嚴祈報事極尊崇懼妖魅之興災則嘉
苗之被暴且等承顏楓陛綴武荀班躋龍尾
以宣揚志存濟世奉獅頭而奏對心切愛民
九有歸投敢忘闕告况奉詞旨敢不上聞

宣詞

按如詞言備殫忱切載惟井邑散在郊原頃
緣炎亢之驚心遂致早乾之到眼輝輝赤日
夾紅雲而連月飄飛湛湛青天漲炎煙而使
甸周布田疇蓋澗溝澮皆枯播種无期秋不
聞於刺水登成莫卜禾高際於登場耕農重
足以攢眉田畯酸心而覺類奉幣以告齋幸
建於雷霆溼詞而陳恩遽昭於雨露作霖應
候好雨知時白浪飛而野水澆澆青苗秀而
膝波瀾漫兆民鼓舞知頌飽之可期萬姓謳
謠何存飢之足慮置赫帝力式慰民情敬修
蕪滌之恭肅致靈奏之敬伏願玄空日監蒼
昊時啟報德誠禪固莫陳於瑤玖感恩意萬
似益登於珠環伶華奏鈞樂之音符寶擁龍
旂之仗珠彝泛玉隨梵唱以流明翠掌浮金
間步虛而逸響半枝競秀首和爭芳異菓駢
羅擁乾坤之瑞采奇葩錯落挾宇宙之祥光
玄鑒不違丹忱斯格臣不勝激切望恩之至
謹稽首再拜酒陳亞獻

亞獻

臣某謹重誠上啓

三清上聖九宸高真圓宮之主宰真靈方域之神仙揀屬醮筵內外一切威靈巨閣播厥百穀地利之高下有殊相爾三農天時之後先或間皆權衡於紫極志主宰於清微成始成終重祈終惠或緩或急所貴急國今齋主某憫雨情鍾望霓志切仰扣天關而請禱既蒙錦覆之仁俯伏帝座以虔祈更藉玉成之德伏願帝心簡在天聰昭宣普告杜稷之神祇遍撒山川之僚佐自今以往咸迪厥功十日雨五日風無鳴條而破塊三年耕一年蓄既掃度以傾倉涉夏而二麥告成歷秋而萬木豐潤螟蝗遁跡蟲孽潛蹤歡騰擊壤之歌樂協康衢之詠如登夏屋渠渠彰大定之風若涉春臺熙熙紀時雍之俗牛羊尊育雞犬相聞凡茲懽待之勤悉賴圓成之造次願宣勞真宰功績靈祇雷霆風雨之官僚丘陵潭洞之主執言功遷賞休丹格以書勲連職升班詣玄曹而受任庶獎承宣之力膺增撫字之勤次願臣等削過黑編移名青簡以至自擅

玄都之號令輒宣紫府之符章策役真靈動傷神悉格存俯仰莫明向背之宜經列威儀多味後先之序重祈大造總鑒微忱上願天地清寧風雲調泰儀璫煥耀煙雨和平號咻无征戍之勞鴻鴈息流離之苦景星夕耀融喜蒸於郊原甘露朝濡霽雷神光於旬遂荷鋤自樂負耒相歡天開萬里之桑麻雨潤千圻之黍稷三途罷對五道停輪凡居履載之中均被生成之造且不勝激切望恩之至謹稽首再拜禮行終獻

終獻

臣某謹重誠上啓

三清上聖九宸高真圓宮之主宰真靈方域之神仙揀屬醮筵內外一切威靈巨閣天威咫尺幸移龍御於玄壇民欲再三重露蟻忱於丹陛願皈依之志切而懽謝之誠周雲啟蕭臺四顧而玉杓西轉風清閣閣仰瞻而銀漢南流旋行歸蹕之音杳霄鳴鞘之韻六龍返景九鳳凌空月駟逶迤赴滄溟之眇莽雲跡迅邁返山澤之幽窅臣等控挽无從瞻依

徒切下情不勝攀戀之至謹稽首再拜奉送

高真 回轅頌 化財

向來

雷霆幕官將醮雷霞齋合用

步虛 洒淨

各稱法位

其位某謹焚香上啓

聖位此聖位照法印所授雷法中中伏聞天時密運洒膏雨於八荒地利兼收扇仁風於三極期兆庶慶登之樂皆神明推翊護之慈瞻彼田疇倘旱乾而卒歲虛倉廩必飢饉以窮年凡風雲雷雨之司存與社稷山川之職守共承帝令協布神威庶上贊於天工膺下全於民欲令齋主某逢茲炎亢難覲登成修寶齋以祈天對揚是力建玉醮而扣地策役有嚴將期應感之私聊寓薦修之敬伏望雲龍奮速解藥闕之崇嚴風馳遠迤降芝壇之峻極俯散藻敷拱聽勸言某不勝俛望之至謹當奉請

請聖 初獻

某謹焚香上啓

雷霆諸司官將各部威靈伏聞三省九府典風雨之重權二院三司職雷霆之真任策役於紫微碧玉總攝於玉清神霄條案蟬聯將禪魚貫屯雲壘電須臾而山嶽動搖走石揚沙瞬息而滄溟騰踴獵獵黑旗之蔽日翻翻皂盡搏風風震九垓吞吞六合帝錫聰明之聖神質勇武之材澤潤生民剪除死寇今齋主顧瞻時令俯軫黎元極激切以興思運傍徨而致念况一隅之村落匪四達之封維土木高涼地多磽确水多傷於滲漏田未易以耕耘迺自季春涉于仲夏赤雲遍布夾畏日以開張黃霧沉霾扇炎風而動盪田疇有龜坼之兆揀蒼无鳩喚之聲秧未紆針苗難吐穎凜凜過時之懼依休曷日之憂亢旱當頭難運拮據之力飢荒在眼莫全倉廩之收自非甘雨之疏通曷使驕陽之收斂故崇瑤範肅建寶齋飛未表以顧天奉綠章而款帝三朝行道二上轉經鈺鎮四海莫波驪而浪

湧符頌五社祈電羅以雷轟爰啓其慈惠微神馭願鑒厥依之悃特敷曠蕩之恩載笑載言筵啟開於六甲既醉既飽辭惟罄於五申恪莫威靈洞垂陶治某不勝懽祈之至謹伸亞獻

亞獻

某謹焚香上啓

雷霆府院各部威靈伏聞降時雨而俄爾出雲權由碧落布油雲而沛然下雨事統紫虛故凡神職之駿奔皆自天恩之宰制顧惟愚昧風荷春休掌劍今以肅命諸司典符章而號集列將黑蜨升觀告寶璽之三章丹鳳降瞻報家書之五道真王混景大帝四靈三帥承符運震巽坤乾中之玄妙五將稟令出精神蒐鬼意之希微悉按師傳皆緣天授既運元而會道宜同德以敷心所冀洞鑒真祈廓施聖力擁雲頭於十丈八表溟濛布雨脚於千重九絃昏暗神龍揚鬚而奮武潛蛟鼓鬣以增威雷車轟轟轟動而若響辟易雨歇漫漫勢垂而林木蒙籠走迎電以前驅動狂風

而後擁不俟終日盈溝澮而綠水淋漓寧待崇朝滿江河而洪波浩蕩野農鼓舞四岐歡呼已枯者即解焦枯未種者頓諧播種須有登成之望悉錄採濟之功遷賞玄都為進功而授任書勳丹陛即校績以升班毋惑意馳願言神聽其或譚洞封閉宜請帝勅以開張恣運早奏合借鄰封而救解匪云坐視恪莫慈觀某不勝激切之至謹伸終獻

終獻 告符

某謹焚香上啓

雷霆府院各部官君咸望聖慈俯垂洞鑒以今齋壇初建熊席宏開諒綸綍之肆馳勒旌旄而下駐須遵赤詔過澤洪坡俾霖雨之潤雷木則盡起掃亢災之枯槁苗迺告成上聽齋主之心下慰農夫之望倘著勳績敢判勳勞俟顯功能別當錢送某不勝祈請之至
向來

靈寶領教濟度金書卷之二百三十三